

կը նկարագրէ Մուզնեցիի արարքները, կը մեղադրէ Յակոբ կաթողիկոսը, որ «այս հերձուածող Մուզնեցւոյն Աչաց լոյս է գրեր», ու ծանր նոզովքի տակ կը ձգէ Պարմասուզ ու Տարաբխանաճի հրէցները, որոնք, կ'ըսէ, «գտնուողոսն իմ կամէին խափանել. Աստուած խափանեսցէ զնոսա հոգով և մարմնով և որչափ ի մարմնի են՝ ի մէջ ալեաց փորձանաց կայցեն»։ Կը բանադրէ նաև անոնց համախոհ չարերը։ Ապա կը յայտարարէ՝ թէ ինք ու բոլոր վարդապետները նորէն պիտի գրեն Յակոբ կաթողիկոսին. եթէ այս անգամ, կ'ըսէ, «չարեացն ետ զպատիմն եւ բարեացն աւրհնութիւն եւ հետ քաղաքիս մխիթարական թուղթ եւ աւրհնէք՝ նա՛ բարի, իմ մեծ եղբայրն է եւ աչաց լոյս. եւ եթէ կրկին յամառի եւ զչարսն գուժէ՝ նա՛ յայտնի ամենեցունցդ լինի որ այսուհետեւ զթեմքն զամենայն ի վերայ Երուսաղէմի աթոռոյն կու կապեմք, որ անտի առնեն զսուրբ մեռոնն»⁽¹⁾։

(1) Սիւրի թորոս կաթողիկոսի այս յայտարարութիւնը ամենազօրաւոր ու անժխտելի հերքում մըն է այն վարկածին, որով հանգուցեալ Տ. Բարգէն աթոռակից կաթողիկոս իր Պատմութիւն Ասորդիկոսաց Կիլիկիոյ աշխատութեան մէջ (որ մամուլի տակ է տակաւին և որու տպագրուած պրակները առիթ ունեցանք տեսնելու), յենյով քանի մը յիշատակարաններու վրայ, տեղ տեղ ճիգ կ'ընէ հաստատելու թէ Կիլիկիոյ կաթողիկոսները էին միանգամայն Պատմութիւնը երուսաղէմի։ Եթէ այդպէս եղած ըլլար՝ շատ բնական պիտի լինէր որ թորոս կաթողիկոս յայտարարէր թէ այսուհետեւ Տաճկաստանի թեմերը ոչ թէ Երուսաղէմի՝ այլ Կիլիկիոյ աթոռին կը կապենք ու անկէ կ'առնենք միւռոնը, Գրեմքն պատմութեանէն որ Ամենայն Հայոց հայրապետութեան աթոռը Կիլիկիայէն իջմիածին փոխադրուելէն ստղին (1331) Երուսաղէմ բնաւ ենթարկուած չէ Սիւրի ո՛չ հոգեւորական և ո՛չ վարչական տեսակետով։ Երուսաղէմի ու Կիլիկիոյ աթոռներուն միջև փոխանակուած մէկէ աւելի նամակները, զորոս ունինք մեր ձեռքին տակ, երբեք այդպիսի կացութիւն մը չեն մասնանշեր։ Ընդհակառակը այդ